

妙理無由得狂心不奈何念隨空變化精自欲消磨
愛欲時光短前程地獄深莫教空度日切要緊降心
寬容無怨害柔弱勝剛強滿口齒先落終身舌未傷
江海無拘客乾坤自在人子陵猶傲帝王霸不稱臣
石髓能延壽丹砂解駐顏葛洪遊大海王烈遇深山
觸情常決烈非道莫參差忍辱調猿馬安閑度歲時
眞陽加滿腹返壽可齊天世事皆虛耗心神莫倒顛
像教終難入名言不可求心中無雜念境上得閑游
浮華皆是夢外物豈能堅若不通三一如何出大千
可畏風前燭堪嗟水上漚百年如反掌千古暫迴頭

道藏輯要

礪溪集

三

又胃集三

眾生多患難大道苦希微不有神仙福難明造化機
眾生皆爲口終日苦勞心目眩空花亂身隨萬物淫
眾生心不盡大道理難明若要開天眼須當滅世情
日月交加迺朝昏返復催光陰留不住生死突將來
自然生有漏誰解入無餘不見眼前欲方知心上虛
有情知道這無事覺心寬造化開天窟精神耐歲寒
茫茫三界闊混混百邪深萬古常存道羣生不了心
五福唯高壽三靈獨配人優游閑卒歲放浪不拘塵
聖賢非道遠功德在人修不向此心覓更於何處求

修道

眼耳離聲色身心卻有無自然通造化何必論精麤
鍊氣清心土千雲拔俗標心如山不動氣似海常潮
萬緣如嚼蠟三毒似銷冰既出陰陽鼓那論大小乘
五眼元同體三身共一枝寸心無我後圓覺照空時
自生還自滅無淺亦無深不悟身非我難明物是心
踏碎虛空界崩開造化權浮雲收靜境慧日照禪天
一言何所在萬事不相干造化開天窟精神耐歲寒
眼根雖有用心地了然休且向一生夢聊隨萬化游
身猶方丈窄心若太虛寬四海千山隔三靈一體觀
寂滅無心地光明耀太虛瑠璃合寶月網絡貫天珠

道藏輯要

礪溪集

蓄

又曰集三

×××

登真無濁氣邁俗有清標急急離長夜冥冥上太霄
玉鼎丹砂沸金盞碧酒香鬼神心莫測天地壽難量
夢斷華胥國神遊紫府天興邀三島客閑訪十洲仙
道因無事得法爲有心生若解除三毒應當出五行
道自無爲顯心因有法生混元含萬象太一起虛名
有動緣無動無爲卽有爲三光不照處萬象顯明時
本自無心得何勞用意思五行不到處萬化總歸時
月上中天皎風來半夜清洞天人不閉客自相迎
藥圃芝田淨金壇玉宇新壺中六不夜物外景長春
十洞高真列三天上聖眉白雲龍送客青鳥解傳書